



Broj: 01-49-2-267/14

Datum: 06.02.2014.godine

## IZVJEŠTAJ

o radu Općinskog vijeća Tešanj za period 01.01. – 31.12.2013. godine

### UVODNI DIO

Članom 117. Poslovnika o radu OV-a utvrđeno je sljedeće:


1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
  - a) broj donesenih odluka,
  - b) broj primljenih komentara za svaku odluku pojedinačno,
  - c) broj odluka koje su inicirali građani,
  - d) broj održanih javnih rasprava,
  - e) broj građana koji su prisustvovali javnim raspravama,
  - f) broj sprovedenih analiza ekonomske opravdanosti,
  - g) broj građana koji su prisustvovali sjednicama Vijeća i
  - h) prisustvo vijećnika sjednicama Vijeća.

Izvještaj o radu Općinskog vijeća Tešanj za period 01.01. – 31.12.2013. godine predviđen je u prvom kvartalu Programa rada za 2014. godinu.


### IZVJEŠTAJNI DIO

- a. Općinsko vijeće je donijelo 39 odluka, 18 rješenja i 105 zaključaka,

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojniji su bili prijedlozi



U izvještajnom periodu Općinsko vijeće je nakon provedenih rasprava usvojilo ukupno 162 akta i to 39 odluka, 18 rješenja, i 105 zaključaka (koji se odnose na odluke, nacрте, rješenja, informacije, inicijativa i izvještaje).



b. Komentar na odluke koje je Vijeće donijelo – bio je samo jedan komentar tehničke prirode.

---

c. Općinsko vijeće je donijelo četiri odluke koje su inicirali građani.

---

d. Održano je sedam javnih rasprava.

---

U javnu raspravu upućeno je sedam Nacrta:

1. Nacrt Odluke o usvajanju Strategije razvoja općine Tešanj 2018,
2. Nacrt Odluke o realizaciji Programa obilježavanja tekovina odbrane 1992-95.godina,
3. Nacrt Odluke o održavanju grobalja-grebalja na području općine Tešanj,
4. Nacrt Budžeta Općine Tešanj za 2014.godinu,
5. Nacrt Odluke o administrativnim taksama i naknadama,
6. Nacrt odluke o zaštitnim zonama i zaštitnim mjerama izvorišta „Studenac“ Šije i
7. Nacrt Odluke o zaštiti zraka.

e. Tematskim raspravama se odazvalo 169 (stotinušezdesetdevet) osoba.

---

f. Sjednicama Vijeća pored redovnih gostiju prisustvovalo je i 9 (devet) građana,

---

g. Nije bilo odluka koje su zahtjevale posebnu ekonomsku opravdanost,

---

h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika, ili 92 %.

Na ukupno 11 održanih sjednica Vijeća u 2013.godini, uglavnom nakon ranije najavljenog opravdanog odsustva, sjednicama vijeća nisu prisustvovali sljedeći vijećnici:

1.	Ajanović Ekrem	2 sjednice Vijeća
2.	Bernadeta Galijašević	2 sjednice Vijeća
3.	Starčević Miralem	1 sjednica Vijeća

4.	Vahdet Hrvić	2 sjednice Vijeća
5.	Osman Pilav	2 sjednice Vijeća
6.	Aida Salkić	2 sjednice Vijeća
7.	Halilović Muhamed	1 sjednica Vijeća
8.	Joldić Velid	1 sjednica Vijeća
9.	Jašić Haris	1 sjednica Vijeća
10.	Kaser Vedran	1 sjednica Vijeća
11.	Unkić Mirza	1 sjednica Vijeća

## OSTALO

Općinsko vijeće Tešanj je u periodu 01.01. – 31.12.2013. godine radilo u redovnim javnim zasjedanjima. Održano je ukupno 11 radnih sjednica koje su u prosjeku trajale oko 4 sata.

Na 4. sjednici jednoglasno usvojena Rezoluciju o odbrani u periodu 1992.-1995.godine i zaključak kojim Općinsko vijeće poziva Ministarstvo unutrašnjih poslova Zeničko-dobojskog kantona da obrati veću pažnju na kadrovsku popunu, osposobljavanje i opremanje Policijske upravu IV Tešanj kako bi se ojačali kapaciteti za borbu protiv svih vidova ugrožavanja bezbjednosti građana.

Na 10. sjednici usvojen zaključak kojim Općinsko vijeće poziva Klubove vijećnika, političke subjekte i njihove lidere u Tešnju kao i građane da se suzdrže od zapaljive retorike kojima se pogoršava bezbjedonosna situacija na području općine.

Na 12. sjednici usvojen je zaključak kojim se apeluje na sve studente koji su boljeg imovnog stanja da se ne prijavljuju na općinske stipendije, kako bi stipendije dobili oni kojima su stvarno potrebne .

Na 13. sjednici usvojen zaključak kojim se traži od nadležnih ministarstava da započnu reformu zdravstvenog osiguranja, a prevashodno direktno finansiranje timova porodične medicine a ne putem Domova zdravlja.

Na 14. sjednici usvojena su dva zaključka kojim se Općinski načelnik zadužuje da u saradnji sa načelnicima drugih općina i predstavnicima u Parlamentu FBiH postave poslaničko pitanje, pokrenu Poslaničku inicijativu ili po potrebi i zajednički sudski spor protiv Vlade Federacije radi nelegalnog obustavljanja pripadajućih sredstava od povrata PDV-a i da od Vlade Federacije traži kriterije po kojima se vrši raspodjela sredstava od GSM licenci a po potrebi u saradnji sa našim predstavnicima u Predstavničkom parlametu FBiH pokrenu inicijativu za jasno definisanje kriterija za raspodjelu tih sredstava.

Shodno čl.15 Poslovnika o radu Općinskog vijeća Tešanj realizovano je 5 edukacija vijećnika u principu 30 minuta prije početka sjednice Vijeća na teme: Poslovnik o radu Općinskog vijeća Tešanj, Statut općine Tešanj, Zakon o principima lokalne samouprave, Komuniciranje sa javnošću i Prostorno-planska dokumentacija. Prisustvo vijećnika bilo je zadovoljavajuće.

Na dnevnom redu sjednica Vijeća bilo je 90 tačaka, od čega su 34 ili 38 % bile predviđene Programom rada Vijeća za 2013. godinu. Ostalih 56 tačaka ili 62 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 8 tačaka dnevnog reda po jednoj sjednici.

Da bi se stekla realna slika navedenih podataka, odnosno rada Vijeća u 2013. godine potrebno je navedene podatke uporediti sa planskim aktivnostima koje su definirane Programom rada Vijeća za 2013. godinu, što je iz narednog pregleda jasno vidljivo:

Vrsta	Odluke	Rješenja	Informacije i izvještaji	Ukupno	Vjećnička pitanja	Inicijativa	Zaključci ukupno
Planirano	6	0	25	<b>34</b>	-	-	-
Realizovano	39	18	33	<b>90</b>	123	25	105
Razlika	+33	+18	+5	<b>+56 (164%)</b>			

**Osnovne tematske odluke, koje je Vijeće u izvještajnom periodu donijelo, bile su:**

- Odluka o usvajanju Strategije razvoja općine Tešanj 2018.,
- Odluka o usvajanju Liste kapitalnih projekata za budžetsku 2013.godinu,
- Odluka o usvajanju Akcionog plana jačanja socijalne zaštite i inkluzije djece općine Tešanj za 2013-2014g.
- Odluka o izmjenama i dopunama Odluke o organizaciji i sigurnosti saobraćaja na cestama,
- Odluka o izmjeni i dopuni Odluke o izmjeni naziva ulica i trgova u Tešnju, Jelahu i Tešanjci,
- Odluka o izmjeni i dopuni Odluke o načinu raspodjele budžetskih i drugih sredstava za dugoročnu podršku realizaciji kapitalnih projekata,
- Odluka o usvajanju Programa novčanih podsticaja za unapređenje poljoprivredne proizvodnje na području općine Tešanj u 2013.godini,
- Odluka o visini prosječne konačne građevinske cijene na području općine Tešanj,
- Odluka o utvrđivanju javnog interesa za izgradnju priključnog cjevovoda u Mjesnoj zajednici Miljanovci,
- Odluka o provođenju izmjena Regulacionog plana "CENTAR" Jelah, Općina Tešanj,
- Odluka o izmjenama i dopunama Odluke o odobravanju kreditnog zaduženja JP Toplana d.d. Tešanj i davanju garancije Općine za kreditno zaduženje kod Razvojne banke Federacije BiH,
- Odluka o zamjeni zemljišta po zahtjevu mjesne zajednice Oraš Planje,
- Odluka o davanju zemljišta u zakup na lokalitetu zvanom "Ljeskovac",
- Odluka o formiranju Popisne komisije općine Tešanj za popis stanovništva, domaćinstava i stanova u BiH 2013. godine,
- Odluka o pogodnostima za investitore u RP "Poslovna zona" Bukva,
- Odluka o prenosu prava na nekretninama,
- Odluka o izmjenama i dopunama Odluke o korištenju javnih površina,
- Odluka za utvrđivanje javnog interesa radi izgradnja bunara PEB-1sa spojnim cjevovodom na lokalitetu Jelaha,
- Odluka o zamjeni zemljišta po zahtjevu Spahić Mirse,
- Odluka o realizaciji Programa obilježavanja tekovina odbrane 1992-95. godine i drugih datuma od značaja za općinu Tešanj,
- Odluka o donošenju Plana zaštite od požara općine Tešanj,
- Odluka o stipendiranju redovnih studenata dodiplomskog studija (prvog ciklusa) u akademskoj 2013/14. g.
- Odluka o dopuni Odluke o prijenosu prava na nekretninama,
- Odluka o odobravanju raspisivanja javnog konkursa na lokalitetu u naseljenom mjestu Bukva u Tešnju,
- Odluka o izmjenama i dopunama Odluke o stipendiranju redovnih studenata dodiplomskog studija (prvog ciklusa) u akademskoj 2013/14.godini,
- Odluka o izvršavanju Budžeta Općine Tešanj za 2014.godinu,
- Odluka o održavanju grobalja-grebalja na području općine Tešanj,
- Odluka o administrativnim taksama i naknadama,
- Odluka o izmjenama i dopunama Odluke o korištenju javnih površina.

Aktivnosti Općinskog vijeća zasnivale su se na zadacima utvrđenim Programom rada Vijeća za 2013. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo. Iako obiman materijal, Kolegij je redovno iskazivao razumijevanje za sve predložene tačke dnevnog reda, te se skoro sva planirana tematika za sjednice usvajala jednoglasno. Ovakav ambijent u radu Kolegija doprinio je konstruktivnoj atmosferi i u radu Vijeća.

Materijali za sjednice Vijeća su uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća. Ovdje je važno napomenuti da se cjelokupan radni materijal planiran za sjednice Vijeća, odmah poslije sjednice Kolegija objavljuje na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Vijećnici su u svom radu postavili 123 vijećnička pitanja na koja je odgovoreno, uglavnom do naredne sjednice Vijeća i podnijeli 25 vijećničkih inicijativa ( usvojene 4 inicijative, 3 nisu usvojene, od 18 inicijativa predlagači odustali).

Sjednicama Vijeća su u svojstvu gosta redovno pozivani: poslanici u federalnom i kantonalnom parlamentu s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Rad svih sjednica Vijeća bio je javan, tako da su sjednicama redovno prisustvovali i mediji (TV "Smart" Tešanj i novinar Radio Tešnja gosp. Halid Fejzić). Sjednice su emitovane u jasno definisanom terminu, prva subota nakon održavanja sjednice sa početkom u 20,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjaska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i android aplikaciji). Konačni akti redovno su objavljeni u "Službenom glasniku Općine Tešanj", koji su građanima dostupni i na web strani.

## **RADNA TIJELA VIJEĆA**

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela. Komisije, kao stalna radna tijela Vijeća, su u prethodnom periodu razmatrale određenu problematiku i donosile određene zaključke. Prema Poslovníku o radu, Vijeće ima deset komisija i Komisiju za primjenu Kodeksa ponašanja vijećnika u Općinskom vijeću Tešanj.

R.br.	RADNA TIJELO	BROJ SASTANAKA
1.	Komisija za pitanja mladih	9 sastanka
2.	Komisija za ravnopravnost polova	7 sastanka
3.	Komisija za izbor i imenovanje	4 sastanka
4.	Komisija za zaštitu čovjekove sredine	3 sastanka
5.	Statutarna komisijama	2 sastanka

6.	Komisija za predstavke i prijedloge	2 sastanak
7.	Mandatno – imunitetska komisija	1 sastanak
8.	Zakonodavno-pravna komisija	2 sastanka
9.	Komisija za budžet	3 sastanka
10.	Komisija za primjenu Kodeksa ponašanja vijećnika	5 sastanaka

U izvještajnom periodu održano je 38 sastanaka stalnih radnih tijela, s tim da Komisija za odlikovanja i druga javna priznanja nije održala ni jedan sastanak, jer u ovom izvještajnom periodu nije bilo potrebe da se ova Komisija angažuje.

Pored stalnih radnih tijela Općinsko vijeće je imenovalo privremena radna tijela (Komisija za dodjelu počasnih naziva, Komisija za provođenje javnog konkursa za dodjelu građevinskog zemljišta u državnom vlasništvu i Komisija za procjenu vrijednosti nekretnina) koja su imenovana po potrebi i mandat će im biti završen nakon obavljenog posla za koji su imenovane.

## **REALIZACIJA ZAKLJUČAKA**

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da je zaključke donesene od strane Općinskog vijeća izvršna vlast uglavnom i realizirala u predviđenom roku, te da je u toku realizacija preostalih zaključaka, o čemu se Općinsko vijeće redovno informiše dostavljanjem pisanog pregleda svim vijećnicima. (Prilog ovog izještaja je tabelarni prikaz realizacije zaključaka za period juni-decembar 2013.godine).

## **ZAKLJUČCI**

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u 2013. godini uspješno realizovalo svoju ulogu.
- b. Većina odluka, kao i važnijih dokumenata, usvajana je jednoglasno a nijedna predložena odluka nije odbijena.
- c. Postoji stabilan partnerski odnos između Općinskog vijeća i Općinskog načelnika, odnosno da se iste međusobno podupiru na zajedničkom putu realizacije politike i ciljeva u razvoju lokalne zajednice i interesa građana.
- d. Aktivnost vijeća se ogleda i kroz usvojenih 98 zaključaka upućenih Općinskom načelniku i administraciji od kojih je većina realizovana, a realizacija nekih još traje.
- e. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.

**PREDSJEDAVAJUĆI VIJEĆA**

**Fuad Šišić, dipl.ing.maš.**

**REALIZACIJA ZAKLJUČAKA OPĆINSKOG VIJEĆA TEŠANJ**  
**za period juni-december 2013.godine**

R/ br.	Sjed nica	ZAKLJUČCI OPĆINSKOG VIJEĆA	REALIZACIJA
1.	5.	Da se u narednom periodu pristupi izmjeni Odluke o izmjeni i dopuni Odluke o izmjeni naziva ulica i trgova u Tešnju, Jelahu i Tešanjci kako bi se uvažili i ostali prijedlozi	REALIZOVANO
2.	5.	Inicijativa. Da se organizuje okrugli sto u skladu sa prijedlogom Općinskog načelnika, usvojen o inicijativi za održavanje tematske sjednice Općinskog vijeća sa temom: Stanje sporta na području općine Tešanj – sadašnjost i budućnost?.	REALIZOVANO u okviru mjere Strategije 2018
3.	7.	Da se Načelnik obaveže da pokuša da riješi put kroz Hrnjića parcelu jer taj put je sastavni dio rješenja jelaške raskrsnice, i dobro bi bilo ako bi se to moglo riješiti prije početka radova na jelaškoj raskrsnici, i da se iznađe mogućnost kod viših nivoa vlasti.	REALIZOVANO Informacija dostavljena na 12. sjednici.
4.	7.	Inicijativa - da se dio sredstava od prodaje zemljišta uloži u izgradnju infrastrukture u mjesnoj zajednici, u kojoj je izvršena prodaja, a po uzoru na povrat sredstava od koncesije.	REALIZOVANO. Informacija dostavljena kroz odgovor na vijećničko pitanje.
5.	8.	U cilju realizacije osnovnih sredstava, radnog osoblja, rukovodnog kadra i istovjetnih službi u javnim ustanovama i javnim preduzećima, da Načelnik Općine do kraja mjeseca juna izvrši adekvatnu analizu uključujući i mogućnost ujedinjenja više javnih ustanova u jednu. Nakon izrade analize koja će dati konkretne pokazatelje, donijeti odgovarajući zaključak, a potom, po potrebi i odluku sa planom mjera i postupaka na racionalizaciji svih resursa.	Imenovana komisija . Dostavljen izvještaj svim JU i JP, oni se izjasnili po istom. Više informacija kroz informacije i izvještaje o radu.
6.	8.	Da se pokuša objediniti vođenja finansijskog knjigovodstva za JU Opća biblioteka, JU Centar za kulturu i obrazovanje i JU Muzej kod jednog od knjigovodstvenih servisa na području općine Tešanj.	Upućeno prema JU. Oni iskazali svoj stav. Više informacija kroz informaciju o radu
7.	8.	Da se ugovorom definišu odnosi u vezi korištenja ostatka parcele koja se veže za parcelu koja je predmet Rješenja o dodjeli zemljišta državne svojine "Metalskop" d.o.o.Tešanjka.	Održani sastanci, zaključak nije dovoljno precizan, isti potrebno precizirati kako bi nadležna služba pristupila realizaciji.
8.	8.	Na trogodišnji plan stabilizacije Opće bolnice Tešanj, koji su donijeli Upravni odbor i Direktor, saglasnost treba dati Općinski načelnik. O efektima ovog Plana Općinsko vijeće će biti informisano u roku od šest mjeseci od početka implementacije Plana, a najkasnije do 31.12.2013. godine.	REALIZOVANO
9.	8.	Inicijativa: Da se dio sredstava iz Budžeta općine Tešanj izdvoji za poribljavanje Usore nakon stečenih uslova za poribljavanje, uz sugestiju da Načelnik iz operativne Budžetske rezerve izdvoji ta sredstva.	REALIZOVANO
10.	9.	Inicijativa: Za izbor naj voćnjaka, bašte i stočnog grla.	REALIZOVANO Izvršen izbor po 3 najbolja. Dodijeljene novčane nagrade i prvonagrađenim zahvalnice.
11.	9.	Da KP RAD Tešanj sagleda proširenje djelatnosti i na pogrebnu djelatnost.	REALIZOVANO Sagledane mogućnosti, obavljanje djelatnosti ne bi opravdalo počeo značajna ulaganja. U okviru kapaciteta koje trenutno ima JP "RAD" ne bi bilo moguće realizirati.

12.	9.	Evidentirati postojeće divlje deponije, a u budžetskoj 2014. godini predvidjeti sredstva za uklanjanje.	Deponije evidentirane. U toku izrada operativnog plana uklanjanja 2014 (proljetno i jesensko) u saradnji sa MZ.
13.	9.	Povećati koordinaciju KP "RAD" Tešanj i inspekcije u cilju odvoza komunalnog otpada, a o efektima informisati Općinsko vijeće (trenutni broj korisnika i na dan podnošenja informacije) kroz informaciju o radu za 2013. godinu.	Od usvajanja zaključka broj povećan cca 77 korisnika. Trenutno se obilaze MZ-e koje nisu uključene u odvoz.
14.	9.	Općinski načelnik će poduzeti sve potrebne mjere kako bi javne ustanove, čiji je osnivač Općina Tešanj, ostale korisnici usluga JP Toplana Tešanj.	STALNA OBAVEZA
15.	9.	Općinski načelnik će poduzeti potrebne mjere kako bi se komunalna preduzeća, čiji je osnivač Općina Tešanj, zaštitila od negativnih finansijskih posljedica kolektivnog ugovora koji je potpisala Vlada FBiH i granski sindikat komunalne privrede.	Nadležna služba je JP "Toplana" dd Tešanj i JP "RAD" dd Tešanj uputila prijedloge mjera za realizaciju zaključka Vijeća.
16.	10.	Za Budžet 2014.godine da se povede računa, da se sredstva nastala od prodaje ili dodjele zemljišta planiraju u otkup drugog zemljišta gdje bi se širile industrijske zone ili stambeno poslovne zone.	Općinsko vijeće prihvatilo prijedlog Budžeta za 2014.god..
17.	10.	Da Općinski načelnik razmotri mogućnost u 2014.godini, na temelju iskustva općine Maglaj, da se sredstva za volontere i pripravnike prošire i izvan okvira općinske administracije. (JP i JU).	U Budžetu Općine za prošlu, a i za ovu godinu su planirana ukupna sredstva od 40.000 KM, što je na nivou sredstava Općine Maglaj.S tim da u Maglaju svi volonteri primaju direktno u Organu uprave, a kod nas dio u Organu uprave a dio u ustanovama
18.	10.	Da se ide u izmjenu Poslovnika o radu Općinskog vijeća Tešanj, s ciljem da se izmijeni i dopuni izvještaj o radu vijeća.	Dostavljeno na realizaciju nadležnoj Komisiji
19.	11.	Da se do sljedeće sjednice Općinskog vijeća dostavi spisak svih nekretnina kojima raspolaže Općina Tešanj, ko je trenutni korisnik i na koji vremenski period je potpisan ugovor o zakupu istih.	REALIZOVANO Spisak dostavljen na 12.sjednici.
20.	11.	Da se uputi dopis kojim se podržava aktivnost "Jedan predmet-jedan udžbenik" ali da to ne bude samo proglas nego tražimo implementaciju projekta koji je još uvijek ostao na obećanju.	Dostavljeno Ministarstvu.
21.	11.	Općinsko vijeće Tešanj apeluje na Ministarstvo obrazovanja, nauke, kulture i sporta Zeničko-dobojskog kantona da osigura sredstva za obezbjeđenje uslova za rad škola na području općine Tešanj, uključujući i mogućnost organizovanja donatorskih akcija za nužne prioritete.	Dostavljeno Ministarstvu na realizaciju.
22.	11.	Ukoliko postoji mogućnost u Budžetu Općine za 2014.godinu povećati sredstva za: stipendije za srednje škole, dnevni centar i jednokratne novčane pomoći.	REALIZOVANO Vijeće je prihvatilo prijedlog Budžeta za 2014.godinu
23.	12.	Sugeriše se Općinskom načelniku da nastavi pokušavati tražiti rješenje po nastalom problemu u saradnji sa mjesnom zajednicom.. (put kroz Hrnjića parcelu)	U TOKU Obavljen novi krug razgovora, bez napretka
24.	13.	Općinsko vijeće će formirati višestranačku komisiju koja će zajedno sa Općinskim načelnikom obići sve poslovne zone i sagledati dosadašnje efekte investiranja.	Imenovana komisija.



25.	14.	Zadužuje se Općinski načelnik da u saradnji sa načelnicima drugih općina i predstavnicima u Parlamentu FBiH postave poslaničko pitanje, pokrenu Poslaničku inicijativu ili po potrebi i zajednički sudski spor protiv Vlade Federacije radi nelegalnog obustavljanja pripadajućih sredstava od povrata PDV-a.	Upućen zahtjev- inicijativa za izmjenu načina raspodjele putem SOIG FBiH. Nakon odgovora ići sa formiranjem tima.
26.	14.	Općinsko vijeće zadužuje Općinskog načelnika da od Vlade Federacije traži kriterije po kojima se vrši raspodjela sredstava od GSM licenci a po potrebi u saradnji sa našim predstavnicima u Predstavničkom parlametu FBiH pokrenu inicijativu za jasno definisanje kriterija za raspodjelu tih sredstava.	Upućen zahtjev Vladi i nadležnom Ministarstvu, nakon odgovora slijede dalje aktivnosti.
<p>NAPOMENA: U ovom Pregledu nisu navedeni akti (rješenja i odluke) koji su doneseni na Vijeću i koji se primjenjuju duži period ili su stalna obaveza, nego samo jednokratni akti (zaključci) čija je realizacija uglavnom određena na kraći vremenski rok.</p>			